

撫州府志卷四十

職官志

名宦二目錄

國朝

祝鍾哲 張伯琮 任士理 劉永錫 范廷楷

朱 宸 徐聯奎 陳 朗 邵 洪 劉體重

魯 僖 韋弦佩 邱 泰 胡亦堂 李天植

儲 掄 王維翰 吳問鄰 李廷友 程元林

秦 沆 王宗周 吳守竈 石大品 陸 瑤

毛翼坦 陶士璜 李泰來 閻廷佶 萬國榮

孫世蓋 陳國柱 左印喆 馬一楨 曹蓋山

撫州府志

卷四十

名宦

目錄

一

沈 鑑 趙仁基 貴 祥 韓彤文 王世畧

李應高 張聖錫 朱 霖 黎大觀 徐希茂

張有泌 徐肇基 張念涪 傅培峯 楊之琳

郭肇基 方 湛 郭孝思 楊式慎 靳丹書

高學易 汪基遠 汪士奇 魯 鑣 周鍾泰

吳名鳳 吳秉和 伍魁孝 馮 潮 楊夢錫

趙 璣 潘維新 龔元炆 危 言 黃廷魁

潘 瑜 辛廷芝 李 恬 廖應梅 萬讓熹

葉一新 詹 崑 謝茂榮 朱秉智

撫州府志卷四十

職官志

名宦二

國朝

祝鍾哲鑲紅旗人康熙三十一年由杭州府理事同知陞撫州知府軒豁爽朗中無城郭士民共見其心崇仁華蓋山向有香稅永行裁革至今無敢私收癸酉五六月間郡屬大旱誠心祈禱自晨至午後往來暴烈日中十有餘日雨大霑早稻乃穫因是冒暑病卒於任現祀名宦

張伯琮號鶴湄湖廣漢陽人康熙三十七年由福建知府

撫州府志

卷四十

職官

名宦

一

補任撫州剛決明敏折獄如流民不敢犯吏不敢欺境內肅然康熙四十年修學宮立義學加意作人後陞神木道士民攀留遮道至今頌德不衰

任士理山東聊城貢生康熙五十三年知撫州實心任事嘗移建考院於府署西舊址光明宏敞士感其德然未嘗索士民派屬吏越四年諸生請於督學沈翼機翼機謂士理急公愛士能不自有其功足以徵其爲政之實賢於世之爲治務名者矣

劉永錫奉天鑲紅旗人乾隆三年知撫州勤民愛士凡民間種植畜牧一切宜忌每於勸農之時爲鄉父老諄諄訓勉訪南豐故基舊址建興魯書院今增祀尙賢祠

范廷楷山東聊城進士乾隆十七年知撫州慈祥愷悌愛士恤民甫一年去士民惓惓不忍捨今增祀尙賢祠

朱宸江寧生員乾隆十九年任撫州知府虛懷下士郡有病民之事必詢於郡之賢者而革除之捐廉助書院膏火以育人材飭屬嚴行保甲以弭盜賊每因公下鄉父老持壺漿以進忘其爲太守也郡士民至今猶思念之增祀尙賢祠

徐聯奎字璧堂號訥齋浙江山陰人初佐司道府幕已精吏治及以乾隆丙戌進士授東鄉縣知縣巡撫吳公紹詩知其名卽擬調南昌縣聯奎以資淺辭歲餘終以人品端方才猷練達奏調之尋擢同知兩署撫州府事所

撫州府志

卷四十

職官

名宦

二

至書大堂楹曰眼前皆赤子頭上是青天其聽訟皆以平心易氣及人所不經意處得之東鄉民甲與乙爭山對簿呈契聯奎曰僞耳焉有雍正年書券而預避乾隆年御名者樂安民甲與乙鬪甲迎面倒拉乙髮辮乙擠甲腎死屢伏屢反聯奎鞫之伏如前料必再反驗乙髮脫其半詰安在乙曰獄中薙髮者梳取矣詰薙髮人及禁卒語相符遂不復反其他摘奸發伏盡心無冤者多類此性尤廉儉居官如寒士官俸外不名一錢去之

曰百姓奔走哭送之

據阮文達學經室集璧堂徐君傳補入

陳朗浙江平湖進士乾隆四十六年由刑部郎中知撫州政尙清簡讞獄必求其當教士必正其趨向修葺興魯

書院建講堂作記示學者以學不可不講然不可徒事乎講又以朱子陸子皆同乎我者非若異端之可闢蓋欲學者知所向往而亦足以見其爲治之有本矣

邵洪號雙橋浙江鄞縣人由進士於乾隆五十七年授撫州知府寬洪有器識勤於政事潔己愛民民咸頌之郡學傾圮捐廉葺其殿宇調南昌府去累遷江西布政使所至有聲後官至禮部侍郎

劉體重號梅坪山西趙城人乾隆己酉以選拔舉於鄉初任知縣著廉能聲洊陞知府道光甲午守撫州至卽列省控三十六案於壁檄縣催解人証到案卽訊逾月塵牘一清每訊案必坐堂皇士庶環立體重虛衷研鞫多方

撫州府志

卷四十

職官

名宦

三

方譬解決以理道以情兩造耳傾心折卽受答責亦羞愧無間言從旁諦聽者往往齎咨涕洟不解其何故至摘奸發伏令人不可思議亦不解其操何術也體重長身岳立外嚴內寬其爲政也先成民而後致力於神每課書院繩生童以禮一洗積年傲慢之習悉心校藝尤諄諄以器識爲先臨川學廩生不列賢書者垂六十年金谿副車從無列正榜者適廉知其事羅致書院七月預薦鹿鳴榜發興魯課生雋六人其一人則金谿副榜傅翼其三人則臨川廩生陳昌基徐芳桂李訓釗也至今傳爲佳話壬辰癸巳連歲不登特建義倉捐廉倡率遴公正紳士分鄉勸諭不匝月而輸穀二萬石有奇卽

照磨廢署建倉儲穀兼建義塾一區以訓童子春秋丁祭先期親掃殿廡琴瑟豆登手自陳設南北郊建立三壇悉如典禮僚屬罔不肅雍將事蓋皆數十年所僅見者乙未三月擢河北道去之日焚香夾道祝其復任西江越數年陳臬重來竟如撫民之所祝云同治二年合郡稟請 上憲題奏奉 上諭宣付史館載入循吏傳

以上知府

魯僖遼東人由廕生於康熙十五年授撫州府同知清操絕俗愛民如子去之日民感思之現祀名宦
韋弦佩蕪湖人由進士於順治十七年授撫州府推官聽訟明決案無畱牘獄無冤民吏胥不能爲奸士民敬而

撫州府志

卷四十

職官

名宦

四

愛之現祀名宦

以上同知推官

邱泰號靜庵山東濟寧州人康熙元年由進士授臨川知縣爲治不事操切務得民和會十三年閩藩倡亂遣僞將攻陷撫州泰同本府間道走南昌乞師分道討襲賊衆潰郡城遂復是時民廬蕩然泰竭力撫循招復流徙嘗曰其不使吾臨復厥初也有如日其愛民如此先是泰蒞任五年報最民慮其去上其政於大府後以行取去民相率祀之於學宮輯遺愛錄以紀其政績現祀名宦并肖像崇德祠

胡亦堂號二齋浙江慈谿人順治辛卯舉人工詩歌古文康熙丁巳由新昌知縣調知臨川當閩寇蹂躪之後流

亡未復田荒賦缺亦堂按數詳報力請蠲豁多方招徠捐給牛種躬親勸墾民漸復業又甲寅乙卯丙辰三年未完之賦并請展限三年帶徵以甦民困文昌橋圯捐貲修築重新府縣兩學并諸廨宇遷建城隍神廟創立社倉義學加纂縣志彙刻臨川文獻百廢具舉每歲科兩試童子親爲甲乙所賞拔多甲科才辛酉行取主事終戶部郎中現祀名宦

李天植字懿公奉天人由例監康熙二十一年知臨川縣清廉慈惠政尙寬平用紙皂滾單代追呼以杜胥役需索民爭先輸納訟簡刑清重修文廟建尊經閣樹聲樓在任九年陞四川威州知州終淮徐道祀名宦

撫州府志

卷四十

職官

名宦

五

儲掄江南宜興人康熙壬戌科進士知臨川縣廉明勤慎以儒術飭吏治重修學宮立社學季試生童拔其尤資之膏火令肄業其中月再課之文風一振在任二年卒於官祀名宦

王維翰正黃旗人康熙三十一年知臨川縣性明敏臨川地大人衆前後治縣者受詞日至百餘維翰判決悉當受詞立決不出三日吏民畏服如神數年後訟獄稀少每升堂投訴者四五人而已居縣十一年所取士凡二十名內無淪落者陞睢州知州河南志載名宦傳

吳問郟字浣陵錢塘人康熙庚子舉人雍正三年領選得新樂引 見特調臨川治一載以仁愛稱會縣食鹽大

缺民多淡食有帶浙鹽入市者爲汎卒所持問郟憫其
罹法謀於千總王朝懷姑緩詳報王僞許諾密先報總
鎮問郟竟以是去官士民號泣餞送爲詩序合雅俗百
篇曰輿思千總旋暴卒自謂城隍所殛

李廷友字政旋號燮庵江南婁縣人舉雍正甲辰科鄉試
丁未會試罷 特簡江西省用初試德安令旋題授臨
川下車卽延接士大夫詢利弊次第興革時政尙嚴肅
吏亦務峻急以獵聲望廷友中正自持不吐不茹訊獄
詳慎必得平反乃已雖上官有所示意弗爲徇勞心諄
諄愛民如子催科有術人爭急公尤加意造士創書院
以育才設學田以給餼崇祀先賢纂修縣志其用意闊

撫州府志

卷四十

職官

名宦

六

遠敝屣千金清瑩絕塵時擬之冰壺秋月不虛也治臨
十五年邑無重獄後頓溪有劫殺小兒一案臨川人始
見決囚泣謂囚曰我在此十餘年未決一死罪今汝犯
此我之罪也爲廢食數日壬戌之秋以疾卒於署臨卒
時猶親書贈言一幅以貽士民雖三尺童子聞廷友卒
罔不泣下其柩東歸過章門巡撫陳宏謀委官致奠贈
以慈惠可思四大字蓋表其實云

程元林廣西桂林人由明通榜乾隆三十五年任臨川知
縣勤於聽訟常至三更後或五更始退堂每問一案反
覆詳慎必使民無冤抑案無畱滯在任六年民至今思
之

秦沆號筠谷江蘇金匱人監生由謄錄議叙初任新淦縣
承嘉慶十一年由新淦授臨川知縣治臨十餘年理冤
雪枉愛民重士邑內公務如社學縣署育嬰堂普濟堂
敦仁堂諸役無不竭力倡建而自奉則布袍蔬食淡如
也性嚴毅人不敢干以私尤知人善獎拔前後童試經
賞識者皆相繼脫穎去邑舊喜迎賽士女紛雜沆剗切
曉諭此風爲之頓息十九年冬江南大祲壽州飢民百
數十口至數百口不等由浙江歷廣信建昌至臨川境
沆慮其在鄉村肆擾先出示捐廉買米城中設廠每口
日給米八合錢十文旋僱船裝載差役護送出境前赴
下遊諭令速回春耕毋失農時饑民歡帖而去剔漕蠹

撫州府志

卷四十

職官

名宦

七

懲訟師著臨川聞見錄補縣舊志以後事繼改名臨川
續志二十五年以卓異擢南昌郡司馬去去之日猶書
畱別詩四章爲邑士民勗後遷永平知府致仕歸道光
六年十二月禮部具題請入名宦祠十二日奉 旨依

議欽此

以上臨川知縣

王宗周字公旦貴州隆興衛人順治五年由拔貢任金谿
知縣勞心求治瘡痍之後賴以休養戴其德者比之如
冬日

吳守寀字含貞江蘇武進人初任房山令調繁金谿時草
澤餘孽未絕守寀團練鄉勇保障地方見學宮頽圯捐
貲修理建明倫堂月課士子給其廩餼又除絕戶革火

耗省刑薄賦民困復蘇

石大品字畧叟河南太康人順治十年由貢生任知縣懲
姦剔蠹豪強絕跡禱雨輒應民建誰力亭於城北以紀
其事

陸瑶林字介庵浙江平湖人康熙元年由進士任知縣在
任數年敬賢禮士蒞民若家人父子不以嚴酷武健爲
能明季縣治悉燬瑶林經營復構會有掣肘者遂毅然
乞歸

毛翼坦福建侯官人康熙三十一年由舉人任金谿持己
廉介聽斷嚴明歷任十餘載愚頑畏服尤加意造士丙
子數科多登雋者皆其培植力也

撫州府志

卷四十

職官

名宦

八

陶士橫山西甯鄉人雍正八年以舉人署縣事在任鋤強
梗獎善類士民咸服其明察會代者來未究其用云
李泰來直隸蠡縣人雍正九年以進士任知縣廉明有聲
以調繁去

閻廷佶山東昌樂人以進士任知縣爲治先教化而後刑
罰陞濱州知州

萬國榮字東園湖北隨州人嘉慶十年來知縣事初蒞任
卽月課諸生捐廉以給廩餼二十年倡率紳耆建仰山
書院躬爲規畫每在大比給諸生卷貲大吏過境夫役
秋毫不擾於民有大水漂木類神像誼傳靈應進香祈
福者男女雜沓國榮親驗飭禁淫祀乃罷前後十餘年

愛民恤士惠澤深渥及卒輿櫬歸士民皆泣送

以上縣志

孫世蓋字丹臺山西興縣人工文而勇精騎射由明經爲臨訓導以招降山寇功順治十七年陞崇仁知縣邑有大盜羅漢七縣衆萬餘踞山僻勢甚猖獗前令欲勦之謀泄遇害侯至私念縣中人恐與盜通莫可共事密謀其僕而陰厚千總孟某暨鷲捷吏乃佯怯請降誘羅至某鎮面議事及期羅率衆二千駐鎮外偕其黨吳某暨校三十入鎮侯設廣筵宴校廳外迎羅吳於廳命千總解刀勸飲飲極歡復移尊於園侯揮僕曰吾與將軍有密言爾曹不得聞攜漢七入園遽捽之扑地吳拔刀千總亦自後捽之既縛二賊乃召鷲捷吏授以弓弦曰吾

撫州府志

卷四十

職官

名宦

九

出勸三十人酒俟吾擲杯彼必仰觀汝卽以弦扼其喉如法縛二十五人而故逸其五且語之曰爾第往吾兵隨至也明日率鄉勇擣賊巢二千人悉遁矣事平撫按

議薦以老力請歸

見通志

陳國柱漢陽人康熙三十六年由教諭陞崇仁知縣天性和平無輕喜暴怒民樂就之然亦不可犯聽斷偶差必重自懊悔亦直舉以告人在任五年以憂去

左印喆河澗人康熙四十三年由教諭陞崇仁知縣有才識尙嚴厲鬪毆霸佃惡風下車輒息奸胥暴役不得一逞於民又倡義捐修學宮士民德之卒於官

馬一楨仁和人由吏員令崇仁實心愛民優禮待士戊戌

民城市肆火延及民居侯領家僕六人力救乃熄次口
令地方開報貧民之罹火者各給穀半石甚者一石壬
寅歲饑多方賑救民得全活憂勞卒於官

曹蓋山東汶上人任崇仁知縣性剛直辭訟考校皆實心
實力邑義學向爲具文侯至力謀之衆紳剏相山書院
制產業立膏火課士甚勤

沈鑑字畹耘浙江德清人道光辛巳進士闈藝爲士林傳
誦乙酉調內簾所取多知名士丁亥蒞崇仁愛民恤士
恂恂如儒生邑舊有相山書院膏火不足鑑捐廉增益
每月課終日衣冠坐堂皇口講手畫娓娓不倦文畢飲
饌極隆歡宴而散其後書院培植漸豐自鑑始也遇疑

撫州府志

卷四十

職官

名宦

十

獄必反復審訊求得其情而止己丑卒於任鄉城紳民
奔弔者堂下幾不容趾足徵德政之厚

趙仁基字厚子江蘇陽湖人道光丙戌進士恭毅公之四
世孫風雅多才好學不倦需次會垣由家載書十餘篋
日事披閱如未釋褐時甫下車卽延謁紳宿詳詢民間
利弊有不便者皆稟罷之折獄餘暇畱心書院考課重
其獎賞邑士紳貧而介者多方周濟之旋調任安徽涇
縣以訪獲決河欽犯超升知府未數月簡放贛南兵備
道贛俗強悍仁基恩威並濟宿習頓除未幾陞任按察
司將成行卒於任所著有九疊山樵和陶詩高淡酷似
淵明爲時傳誦

貴祥字麟徵滿洲人初署崇仁卽革除糧差數百名盡使歸農偶發催票必硃標每名給口食若干不許多取以防訛索閱案常至五夜不自知疲旦日傳喚剖決無滯宿案爲之一空待邑紳和而有禮課士必豐其膏火而馭胥役極嚴不法者卽重懲之無所假借一時舞文縱賄之風大變居恒以維持風化自任凡父母呈其子者必立追嚴責反覆開諭冀發其天良嘗謂興一利不如除一弊但不可察察爲明致有矯枉過正之失署園古樹忽產靈芝數本識者以爲德政所感瀕行畱別士民詩云耆老多賢常失事黎元待字未能仁其黽勉求治之心隨時流露

撫州府志

卷四十

職官

名宦

十一

韓彤文浙江監生素有才畧咸豐八年春崇仁新經收復瘡痍滿目田土荒蕪省垣候補者咸聞而裹足彤文獨毅然請行下車後多所整飭是時吉安尙有踞匪勢將別竄八月十一日諜者報吉匪已棄城而逃將抵崇界但聞皆老弱傷殘且無兵棄火藥彤文聞報仍督理團練日夕不休十八日已近城彤文領團出城堵禦記賊因官軍後追冀得崇城以暫避其鋒捨死奔赴彤文衆寡不敵死焉事聞贈卹如例同時幕友浙江山陰項槐慶亦被害

以上崇仁知縣

王世噩字春如江南鹽城人丁亥進士時山寇時擾單騎入寇壘諭以大義衆皆懾服而退往例差役夤票兩造

輒費數十金蒞任嚴絕通稟中傷之弊以道路遠近限酒貲多寡與歇戶包侵錢糧包募經承里催表裏百竇發之無遺邑人立祠奉之不絕

李應高字仲生山西解州人康熙己未遷宜黃令時閩寇殘虐之餘設木榜招徠之民稍稍安集有詩云城中多少空廬舍砧杵聲稀無暮烟秋旱作詩曰如謂災應爾甯向我躬移修顧民橋貫虹橋崇祀名宦祠

張聖錫號岵庵奉天廣甯人康熙三十年蒞任時閩氛雖熄民猶多不得其所者乃革徭役禁採買抑胥吏修學校完城垣扶獎士類以內艱去任

黎大觀華容人由舉人令宜黃時城圯捐俸修之建通津

撫州府志

卷四十

職官

名宦

十二

橋復永豐陂置田以備修築邑編審有硃價銀六百入官觀乃除去又置田供科舉費學宮名宦鄉賢諸祠悉葺理建文昌報功兩祠後擢刑部主事祀名宦

朱霖紹興人由貢生康熙三十八年任宜黃令清廉愛民力革弊政豪強積蠹聞風而逃

徐希茂字卓臣宛平人宜土瘠賦重前任逋賦積至二萬有奇憲司委官督逋冠蓋相望甫下車心憫其苦卽時罷新賦徵冊而令民盡輸舊逋以寬其力竟以不長催科得下考民爲之立去思碑

張有泌福建晉江人乾隆十六年由明通進士任明敏練達吏畏民懷

徐肇基浙江仁和人乾隆三十四年由進士任廉以飭己勤以奉公精明渾厚兼而有之

張念淳字子調河南祥符人乾隆三十五年由舉人任廉介正直案無畱牘設坊柵嚴夜禁豪暴肅清自扁其廳事曰只談風月士紳爲立去思碑

傅培峯號耦村甘肅鎮番縣人咸豐甲寅以進士令宜黃初蒞任清勤自矢臨民以寬性剛斷吏不敢欺及髮匪犯順攻陷九饒瑞袁臨諸郡侯聞警亟召邑人士議團練事未集而匪驟至不得已詣行營乞師丙辰六月水師江軍駐下游李元度率平江勇圍賊於撫城乃分兵四隊使侯隨後軍發賊遁遂入宜翼日後隊亦至至則

撫州府志

卷四十

職官

名宦

十三

官廨已墟蓬蒿滿地侯立草萊中語邑中迎軍者設局支應各鄉分局協濟廉得從逆者斬以徇協從者罰鍰以贖民大悅九月飭典商辦棉衣千領給諸營兵皆羅拜侯喜召諸紳飲議善後事酒半忽傳大軍將徹營駭曰我負宜矣明日四營盡徹哭往畱之不得當是時撫郡大營兵潰土崩瓦解四面皆賊然侯未嘗一日忘宜也時發密函申前約戊午三月楚軍至賊棄城走仙六都寶營逐之湘營繼至追擊於磁圭斬賊首千餘級我宜以定侯復任以前所籌餉犒軍仙十三都勇亦至日殺賊以百計陣亡死者六人侯賞卹逾格曰向謂宜民懦今若此可爲也因按都閱聯增練勇民有來訴者如

家人相見事至立剖無畱獄聘山長校文藝軍書旁午猶手自批點如未嘗經變者布衣素履親歷城鄉所作楹聯批示忠直之氣溢於言詞間無何吉安敗匪竄崇宜界侯率丁勇堵孤嶺殺賊無算賊大集奪嶺衆遂潰武舉紀鳳翔死之相繼死者數百人侯亟馳入地閉北關開小東門召鄉聯而官倉前火起賊已斬關入矣侯衣朝服向北稽首曰臣力已竭不能再舉所以隱忍至此者冀團練鄉勇將以破賊安民耳時事勢危迫有力勸其出城者侯怒髮上衝以足踢散親吏取懷中印授之去賊至罵賊賊怒支解之移屍黎家垵而焚焉此戊午八月二十日事也事聞追贈知府銜賜卹蔭如例記

撫州府志

卷四十

職官

名宦

十四

以殉難所立廟祀之

以上宜黃知縣

楊之琳號劍華陝西人順治十四年由會副知縣事清澹安恬百務就理催科不擾民樂供輸捐金修學修志

郭肇基號屏之遼東杏山人由癸卯鄉舉康熙十一年知縣事賦性剛介守正不阿潔己愛民興利除害乙卯寇亂攻邑誓死力守孤城城陷被執苦刑百折不屈童叟流涕卒遭囚繫入閩殞命

方湛字紫崖新安人康熙間知縣事訪聞田糧積弊深爲民累力清釐之歲早禱於龍山甘霖立沛一切廢墜次第畢舉如纂修縣志籌復倉儲重新學宮書院創設鄉約墟市尤表表者也善政善教恒散見士大夫記序中

卒於官士民立祠祀之

郭孝思字背門陝西人康熙四十年知縣事斷訟公明豪右屏跡捐修學宮禮賢敬士甲寅署崇仁遇兩縣饑荒賑救有方民無菜色後陞蒲州牧士民懷之

楊式慎四川射洪縣人乾隆間由選貢任樂安下車時愷切諭禁奸訟靡俗尤躬行節儉布素如寒士宵旰不疲案無停牘每因公諳鄉僕從書役寥寥數人於民間毫無所費其撫字加卹窮民豪勢斂跡而心服遇事剛斷不煩催科政整以暇幾於囹圄空虛縣向差役凡百十人比治行大半辭役去圖生活上臺亦重其廉謹欲調繁缺士庶留之不果遷而老卒於任樂民於學宮土地

撫州府志

卷四十

職官

名宦

十五

祠祀之

靳丹書號錫銘河南祥符人由進士宰樂安政多慈惠尤以培植人材爲急務每課士必親定甲乙重加賞賚士林悅服會粵匪竄江縣城失陷時公已先期卸篆然不以局外自諉倡募團練卒至克復咸豐七年八月督勇往荷陂一路搜尋餘匪賊乘間突至衆寡不敵遂歿於陣邑人哀之立昭忠祠以公首祀

高學易由金谿糧廳權邑篆丙辰十一月賊鋒至竭力堵

禦兵力不及死之

以上樂安知縣

汪基遠字星伯黃岡人順治己丑進士庚寅令東鄉時金王餘孽所在嘯聚甫仕兩月值土寇吳君寵攻城親督

鄉兵出戰遂死於賊同死者塚兵三人新令曹可大狀其事上聞贈按察司僉事廕其子維祺基遠現祀名宦汪士奇湖廣黃岡人順治丁亥進士任東鄉知縣加意撫民不遺餘力康熙甲寅閩寇亂邑爲閩衝而金谿楊益茂餘干張天祐進賢黃尙忠貴溪江拐子諸土賊又不時侵掠士奇乃團練鄉勇以從子詔統之屢卻賊遂得保障孤城待 大兵至明年八月賊復謀攻縣士奇協鎮兵出屯鄧埠用計破賊追殺至馬鞍嶺始還時鎮兵擄男婦數千人以歸士奇冒險設機罄歸所俘成平後復興學校造士育才人文蔚起旋遷中書去康熙五十八年詳請崇祀名宦

撫州府志

卷四十

職官

名宦

十六

魯鑣湖廣孝感人以康熙庚戌進士令東鄉任事真誠於民無犯嘗立廟學建公署修城樓及養濟院又葺建許灣水次倉以便輸納并自爲記縷寫山民漕兌不便狀欲改爲輕齎眞仁人之言也後陞兵馬司指揮崇祀名宦

周鍾泰號山甫直隸玉田人由舉人任東鄉下車後公事次第就緒性清介儉而能廉聽斷明而胥吏無所售其姦遇漕收許百姓鳴鉦言不便有訛法者聞鉦響卽坐堂皇詰究漕弊遂肅清自題公廨云不要錢不聽情無愧百姓甘任勞甘喫苦可對上司語雖質而實自寫照也後以老致仕歸

吳名鳳字竹庵直隸甯津人道光二年以舉人來知縣事時前任皆以催科不副額受鐫故東鄉號難治名鳳行板串法節省自奉不苟迫民而賦亦卒辦雅意植人才議欲創興書院羣以役鉅費艱辭乃張筵召諸紳富出一圖相眎曰此書院間架命各占一屋之地剖資目經理且曰吾第程其成耳衆踴躍樂從不數日寢堂講堂十二齋皆庀材鳩工焉甫上梁卽調德化其章程聯額一皆手定乃始成行尋以景鎮同知攝撫州府篆所至皆有聲現祀入書院

吳秉和浙江淳安人由進士雍正十三年任廉正而明居官勤謹與民休息若無威望而民思之不置時漕米收

撫州府志

卷四十

職官

名宦

十七

於許灣鄉民輸輓維艱秉和請援宜黃樂例改折格於上聞論者惜之

伍魁孝廣西全州人由舉人乾隆三十六年任甫下車閱邑乘讀朱魯兩公漕倉記因悉其病民狀謀改遷以甦民力會調任不果後邑人改建有成議矣適新令某至聽姦胥計沮之事幾廢魁孝聞之曰此非爲民父母者也移書切責某讀未竟面頰發熱魁孝厯任新建升通

判所至皆有賢聲

以上東鄉知縣

馮潮字亦韓江蘇陽湖監生道光二年任崇仁縣丞凡一切有利丞署而不便於民者盡裁去之性明敏有識然非其所司不輕理受是時萬令宗洛勤於廳斷立法尙

嚴重潮之才嘗委代清積案剖決無纖芥失偶有與萬意不合者輒復爭執務得其平故士民陰受其惠丞署殘破屢次興修不動公帑邑中如育嬰堂橋工諸善舉極力贊勸以成其事待紳友坦懷相與和而有節辛卯陞任去城鄉咸尸祝焉

楊夢錫山西浮山縣人椒山先生後裔嘉慶十四年己巳來任崇仁鳳岡司巡檢性仁而廉節廉俸買冬衣遇貧民散給歲以爲常主僕茹疏衣敝十數年如一日邑侯原周以百金盡捐助邑育嬰堂費道光元年五月義倉平糶邑士因其勲力過瘁饋飯食費十千固卻不受曰吾分內責也八月十四日卒於官聞者感悼

撫州府志

卷四十

職官

名宦

十八

趙璣清源人康熙五十四年任宜黃典史捕盜安民每值亢旱步禱祈求必雨乃止告休乞歸行李蕭然士民祖餞如失慈母各上憲給衣貲以獎之

潘維新安徽涇縣人任樂安典史有幹才遇事敢爲丙辰六月同前縣靳丹書克復縣城時兵力單薄親往甯都募兵援救旋同永豐巡檢路秉忠攻克永城奏凱而還數月之間籌餉籌防軍事旁午措之裕如十一月賊大股蜂至公撓城固守力竭城陷與代理知縣高學易同

殉以上
雜職

龔元玠字琢山號畏齋南昌縣人進士授知縣乾隆辛卯改撫州教授諸生童來見必細問所讀書及處倫常中

事並勸人每日熟讀三百字無間斷四年可畢九經刻
讀書法示人來學者曰衆誨人諄諄不倦著有周禮及
各經客難又嘗言八卦先後天皆出伏羲證以八卦字
由後天次序所製如震字正二月雨水三月建辰故从
雨从辰巽字四月建己巳爲雙女从兩己共朱鳥一名
長離故五月卦從離坤字七月建申夏秋間屬土故从
土从申兌字八月卦从八首九足兌爲口舌从口字足
之乾字从半九兩十己亥陰陽之交數皆取雙以太陽
日足之坎卦冬至水泉動水動則土欠取義也惟艮字
始終之間別有取義餘七字合後天次序極顯先天八
卦亦用後天始製之字故知其皆出伏羲也其解經獨

得多類此後歸家年八十餘猶日與學者講釋經義云
危言字踐堂南昌人由舉人乾隆四十一年授撫州訓導
凡端士習督程課靡不盡職爲人剛直能任事見 文
廟歲久將圯卽單車詣各縣勸修郡人咸服其義捐輸
約萬金學宮遂以修葺旋陞廣東西甯知縣有政聲
黃廷魁字兼兩吉安永豐人康熙乙酉經魁雍正四年蒞
臨川教諭任性簡靜寬厚德容藹如言不妄發而師範
可宗課文藝甚篤諸士傾心乾隆三年以禮致政去邑
士臨歧多泣下者

潘瑜新城人乾隆三十八年由舉人任金谿教諭文優行
卓嚴飭士習教士以立品爲先有生員因事觸宰怒宰

遽重治其罪瑜抗不出結大府因以牽連釋之多士莫不感佩

辛廷芝萬載人乾隆四十四年由舉人蒞金谿教諭任學醕品端過必面折見者肅然每月課文親爲品隲多所造就初兩學以試事赴郡必僦屋而居士子立爲捐貲作行署由悅服深也

李恬別字愔谷浮梁人道光十六年由舉人官金谿訓導性孝友期功之親亦加周恤而已恒冬裘弗具也訓士以制行爲先文藝次之新籍於學者晉謁惟舉卧碑與覆試事宜告而束脩弗之及邑彙報節孝纖毫弗取曰吾分內事也况苦節堪矜乎時貴溪龔瑋攝教諭與恬

撫州府志

卷四十

職官

名宦

二十

同辦彙報事不取亦同事未竟瑋解任次年事畢恬卒於任邑人欽其志潔行芳釀金歸其櫬

廖應梅興國人康熙五十六年由歲貢授崇仁教諭課士以實學崇儉素邑令素敬服不干以私與士接肅氣正容竟日無浮論士仰師範之尊卒於官

萬讓熹德化人任崇仁教諭乾隆庚寅 恩科鄉試諸生中有貧不能應者贈金以果其行每季課維嚴尤善啟導於新入泮束脩不計多寡至今人咸服其廉

葉一新德興人任崇仁教諭坦白平易有長者風廣文固藉束脩自給先生處之無市心以老去官陶然自得人多其識度

詹崑字愚山鉛山舉人道光二十二年任崇仁教諭性和平恬適淡於榮利凡端士習督程課靡不盡職嘗粘鷺湖書院學規於壁諸生進謁時逐條講解竟日不倦所報優劣必協輿情郡守縣令咸重其介敬禮之以上教官謝茂榮字向之南昌人由行伍積軍功至千總銜咸豐十年調金谿把總時一年中賊凡五至茂榮勤偵探嚴邏察每有警卽遍諭居民雖宵深必告賊少退亦如之民心賴以安十一年六月花旗賊由瀘甯擾茂榮親率團勇禦之衆寡不敵轉戰於樟樹鋪之裙面山茂榮忽心氣痛乃誓衆曰吾負國矣惟爲厲鬼以殺賊毋使虐吾民耳遂被鎗戮而死死之夕賊見城外火光燭天懼

撫州府志

卷四十

職官

名宦

二十一

而遁民疑忠魂爲之茂榮得卹世襲雲騎尉罔替邑人爲立昭忠祠於許灣

朱秉智南昌人任樂安把總詰奸刑暴四境肅然乾隆己亥邑大旱飢民求縣令米公發倉令不允且暴怒飢民遂譁令自毀公堂以變告撫軍託公提兵臨樂居民欲竄逃朱囑民焚香跪迎獨向前申達下情託公欲重懲飢民朱力爭之合邑幸獲安全而朱竟以此落職徒豐城三年公論冤之邑舉人游閱記其事以上武職

書把總朱公逸事

國朝游閱

朱公名秉智四川人

南昌籍官樂安城守營把總乾隆四十四年邑旱飢民告糶令米令不許聞於堂令退遂損縣廨令子與

幕客遽以民變令死報朱公聞之倉皇赴令署會方
縣試公設法導令覆試日夕飲食坐卧親自護持懼
令有他則此一邑民危矣中丞託公聞變卽親提大
兵來總鎮劉公某請督兵先行徐覘動靜時城中居
民洶洶逃竄朱公力止之曰飢民告糶闕堂邑令無
恙吾前早疾馳上聞矣汝等皆好百姓毋輕去鄉邑
今大兵且來汝等從我出城焚香迎接官長有我在
汝曹勿驚也當劉公之督兵前行也見有耕於野者
公憮然曰民猶力耕何言反也令兵毋犯將至城見
耆老子弟皆焚香遠迎公曰吁民情如此何言反也
以鞭疾指其後曰毋須迎我大人在後來矣令前謁

公公曰吁汝已死尙活在耶中丞至城欲大創民劉
公與朱公力爭之中丞怒下朱公於獄時天黯黑無
光連雨十餘日不得已强括飢民數十人置之法朱
公已縛赴法場爲劉公力救得免後徒豐城三年方
朱公赴法場時邑中民號哭相隨公親脫其兜肚付
兒曰我於國家區區一武弁耳今殺我一身以活此
一縣百姓死固吾分也我死汝勿以我冤上訴汝曹
讀書須知忠孝天必有以報吾也今樂人談及朱公
猶爲流涕當飢民闕堂時城中斗米僅四十文錢耳
及事發無從索犯者官設法賑米有飢民攜老幼來
者皆罹於法嗚呼愚民亦可憐矣斯時微內有朱公

外有劉公吾邑民不爲魚肉哉天下立碑建祠者比
比而樂人獨不能酬兩公之德徒欵欵談誦於優游
飽食之餘吾民真寡恩哉書之俾編邑志舉公祀名
宦者得所考焉